

孫徵君日譜錄存

孫徵君日譜錄存卷之四

順治八年辛卯六十八歲

後學

江西陳寶箴

校訂

正月

武陟王 輅

初一日

九世孫世琰世金莊監刊

晨起北望瞻拜天地昔曾奉教君子不敢設天地位

設祖先位於客館率子孫致祭

初一日

北方俗有墓祭仍於客館行之

初四日

題衛源祠聯

衛水悠悠地中行去澤何溥源泉混混

混天一生來道自尊

初九日

張薛二公惠米 年近古稀作客時欣逢二老慰吾

私三年孤學非緣穀八口爲家幸免飢分宅敢忘

司馬意推賢難副國師期身無片善徒餐素殊愧

諸公說項斯

寄題賀宣三函樓 樓函萬卷豈誇多無字真經錦

瑞輝認得分明觸目是外王內聖總同科

初十日

得李太公朋吾書 志學忘年老益勤八旬六歲陪

斯文質疑字字猶稽古此道終當蕪一聞

十一日

博兒爲余言符夢純篤力行署其軒曰責志喜而有
作 生來時志踈此中道無成竟若何責志一言
千聖訣好從屋漏細琢磨

十二日

寄祝張湛虛司馬 從來稱壽豔蓬萊幻出蓬萊安
用哉臣忠子孝光家國岳峙星明天地開惟公登
第三十載朝野殷殷望手彩世路平歧閱旣多危
疑震撼色不改解組漳河日杜門千里相逢意所

存僂慙洛下堯夫叟司馬依然道自爲今夕
南山下蘭桂森森威大雅座上應無流俗人
遙寄佐杯罍

十四日

李國華招飲時同人各問方舊德馨聞政未休春
宵設款集名流機忘不作文人色墨地應推國士
憊精力半生歸藥訣紅綈此夕運觥持珠方問病
簪耽酒次第勞君一劑參

十五日

其以元宵有懷馬君仲此夕那堪作宿夢不市

邁歲重新音書東海淹知已燈火蘇山鮮故人志
士可堪閒裏老幽懷偏笑病中身雖憐客館各岑
寂幽里薰蒸共一春

二十二日

玉笋示我節孝事二十三則 節孝不彰風教微人
心何怪日相違只今二十有三則喚醒人間是與
非

二十三日

讀邸抄晉州韓孝子應宗十一歲父歿數日不食事
母孝及歿廬居三年詩以紀之 人傳孝子得旌

閻豈爲三年倚墓居十一兒童孺慕切知能良處
勝詩書

二十八日

客至常言不如意予曰人生不如意十常八九我輩
以不如意爲家常則無甚失意之感一不如意而
嗟怨憤恨則無一如意時矣

二十九日

復李彝卿 當世有心人安得如公識其人者玩世
之難難於傲世恨別去匆匆不得握手一深談耳
迴環手教處已處人不知幾經斟酌學問於此時

正心動心忍性豈可輕易錯過總之我輩做人只
間有不負人之我安得間不負我之人經一番負
我便當進一番處人此卻是人生最得力處只今
一意下帷亦是妙事

二月

初六日

馬水部招飲百泉尊凡三移同謝玉汝景乾禎薛懷
我北海西山不介親尊移三處興來頻林園設
景仍依舊樂趣隨將又布新晉宋當年兩處士乾
坤此地二賢人須教異日看今日一夕千秋好月

珍

是日得家報瀾孫娶婦孫女出閣一日完此二事頗
慰客懷君異亦有書志喜

初七日

安邑諸生景應熊以玉笏字來從遊自言某絕無寸
長且寡聞見無可爲受教之地予曰自以爲無長
便是長處且學人政不欲有聞見有聞見便有意
識有意識便不能虛已今日政喜君問見之寡也
更望他日有聞見不可受聞見之累顏之克已矣
之舍已文之望道未見孔之何有於我何嘗自以

聞見爲見長之地

初十日

仇異渥爲其父繼軒乞像贊題云 我何以名公之
人我何以寫公之真居已抑抑與人循循未入仕
而慕聖之六論無敢弗遵少讀書而孔聖之四勿
謹察在身十老社中推逸長吾愛其機忘而可親
姻戚隊裏稱仙翁衆欽其年高而德醇飲無量而
喜歌家不裕而善貧我聞添一箇喪元氣進士不
如添一箇守本分平民況有公身之令子可以堪
六逸訪十友靈魂縹緲寓於白洋之濱

十二月

玉汝就讀後我招過居停有作 不速三人山右來
相逢傾蓋樂銜杯心心坐照渾無逆但覺牀前元
氣迴 在客何繇招客過居停靜對意婆娑有懷
敢欲動思質况復東君情更多

十四日

爲成安柏寺營關帝祠作碑記

入歲寒二集

十五日

張湛虛期過溢水報字云 有道仁人夢魂思就前
北歸小兒因娶孫婦嫌孫女尚稽家園老妻素養

病千里衝寒困憊益甚稍可自支溢上之游未可
忘也前示佳什所云不可示它人者正可以示天
下後世矣有歲寒集數卷兒輩正在料理闢圖請
教有客南來常熟公固無恙

十七日

出門交謫引 余自出門凡於交游簡寄倡酬已載
入日譜然交游中有與余簡寄倡酬者有爲余說
項而轉寄其友者俱散亂未有所歸兒子輩謂古
人一飯之德不可忘況乎知己之言烏可忘彙而
輯之爲三種余題曰出門交謫取易出門交有功

之意云

二十日

與友人 夜來足下皇遽而去未免紛紛僕爲悶悶
幾不成寐思天地間無無道理之時試觀古來聖
賢豪傑處君臣之變者有人處父子兄弟之變者
有人須得原委盡所以處之之道則拂亂動忍皆
所以玉汝於成足下福人受享太過稍有違逆鬼
神正有意求已克已徹底一言以解此悶

二十三日

擬春日訪友得標字 春山欣澹澹遲日照高林鳥

坐枝頭語人窺物外心
誰家多釀酒我去好攜琴
聊以娛閒晝同人寄一吟

二十五日

飲馬水部尊五樓

有序

辛卯春分前四日馬玉笋水

部邀余與徐子章芸過其山莊先偕景子乾顧薛
子懷我屏騶從遲余於南郊迤邐東南十餘里之
夏峯有樓巍峩進四層極其巔四望晴鬢心曠
爽益信小魯小天下雖曰勝次超然亦所登之地
有以使之章芸曰昔劉元德卧元龍於百尺樓上
徒以一言傳此樓至今水部飲我輩於此可無以

名此樓乎余因顧之以尊五水部請其義余曰僕
意甚淺近請三子各以意言之將無同懷我曰馬
先生置此身於五達道之中所云尊五殆謂是歟
乾顧曰先生從政久矣安知非尼山所謂尊五美
也章莖鼓掌稱善曰想不出二仲意予亦有說皇
極五福須身在五達道中能實致其五美然後能
全享此五福耳余爲之躍然曰三君子先得我心
之同是可以名此樓矣水部浮大觥修爵無算因
分韻各爲詩以志佳會分得君字 凭欄一望蔚
生文水色山光入座分天際尙容翔野鶴樓空正

好貯孤雲銜杯隨地堪爲陣拈句何人不策誠尊
五有名超百尺風流今日更推君

二十八日

得節烈二則

入取錄集

又二月

初六日

寄懷張集公 蘇嶺春深坐息機懷人天際澹忘歸

生平襟契十年別千里音書一雁稀笑我爲儒衰

且爲喜君建節德生成從今莫訝相違久鼓興山

陰印欲飛

初七日

帝封邱令宋子飛 每思過赤縣只爲帶黃河水患
今消未民逼近若何寸心知欲嘔四野久與歌報
政嘉循績糗黃未足多

初八日

望兒渡河寄集公字 錢中郎詩固佳得親臺之評
益入妙正昔人所謂一經品題便成佳士第非此
道中人而勉強爲此適足發一笑耳若云收名定
價於君侯則吾豈敢

初十日

老妻病苦有述 老妻素善病邇乃益纏綿逆旅之
嫻黨道路苦述遠觸目家山別况復心性惛由來
多謹飭一語不輕宣事偶與情違中慘幾熬煎
婦暨孫女歸來路六千出門不及見念結癡寐前
鬱鬱常不樂所需亦缺然牀褥侵尋久藥餌每失
權猶幸諸孺子承意在言先頗稱佳兒女病稍瘳
無愆衰遲老腐偏每切同病憐

十四日

王申之視予其城言前代藩左長史趙繼鼎死節事

一則

入取節錄續集

十六日

余舊有六器約張罄遠復爲狀梓之

十八日

有人積憤難解就而質予予曰萬里之鵬豈向枌榆
息步千鈞之弩不爲鼯鼠發機予常書紳此言故
敢以告足下其人沈吟久之曰命我矣

二十日

得孝子鄴州梅進一則

人取節
傳其集

申之言自勝永過聞孫錦屏死於廣平南之樊丹村
兩子皆未及諫五日始破病中語曰吾志不在故

鄉何必歸葬爲榮旁人多憐之答曰錦屏以先朝
舊廩生棄而不取流寓異鄉寄居人廬下困頓而
死此卽古人溝壑之志到此已畢復何恨魯連蹈
東海而死卽樊丹便是東海有何異觀吾人識得
此義隨時隨地無不可以畢此餘生不亦暢然乎

二十二日

申之以予家有病人求歸西崗余曰相知之中獨子
最深且久在宅人合聽其去獨謂子不可去者守
志甘貧誓死不移者惟子一人耳余五十歲始識
一貧字正賴有同志者實履其境而深咀其味肯

伯順嘗謂我於貧字未嘗身試之所稱無謂無怨
終是虛談今我輩以貧賤之身而值流離憂患之
際典琴書質簪珥忍病停藥日不再食屢矣對妻
子終難快心對同志應無慚色此字不明終非真
實學問大家不講明終非我輩力砥流紛之意也
鼓諸孺子之志氣佐病叟之衰遲正欲與子同享
一餓耳豈遂無意乎申之欣然請留因名予齋曰
共餓齋

二十四日

得節婦葉城董氏某氏烈婦葉城張氏慈吏葉城知

縣劉三元事四則

入取節錄續集

二十六日

答友 予平生無他嗜好獨喜與人談節義事自壯
至老不倦尤喜談寒士立節若吾邑之侯仲嘉孫
錦屏雄縣之馬習仲新城之王申之葉城之董正
誼肥鄉之賀士以皆其所寤寐於心而讚頌於口
者一友謂此等寒士名不掛仕籍行不出閭里豈
遂能法今傳後乎予曰問品原不在顯達論人亦
不貴聲稱況實至者名必至如王莽時之梁融會
慶郡章實竟皆儒生去官不仕當時重之聲流于

古節義各就當身論正不分一介與萬鍾也

三月

初一日

睡仙示我蘇門廢圃解入絕讀而快之因紀 錯怪

林園有廢時林園廢處獨君知色煙山岫聲還水

黠淡文明又一奇

初二日

寄仇異渥 尊翁作古不能制匄藥前一慟言念遠

老社中笑歌追隨此情何堪吾丈弱體苦境中不

能一慰視此清倍依依也于車氏云送死足以當

大事又云守身爲大我謂不能守身者必不能
大事者也吾丈善自愛令堂高年迭死養生兩念
並切讀行實字字真惻草率題數語心緒久不佳
不能作得意語耳

寄王五修 大河南北二千里聲氣之人不乏而真
實向學者指未敢輕稱也古人千里猶比肩誠非
虛語言念及此我輩益不容不自勉耳此時只以
不見人之不是爲第一義處已處人在家在外俱
當如此僕邇來頗知於此用功然未免有是已非
人之意莫視此語太平易也雖太公作古遠不能

中一弔豈不令十老社笑商情耶幸致席之闊訪
國鎮想能有所發明乎我輩學問要日新也

初三日

寄盧濟之 甫寄跡祁陽望渥水僅只尺耳未能一
汎訪蘇之船迄驅車南邁良朋悠邈增我遐思
暮時見北來刺畫須眉宛披肺腑知時雨之化有
功名教多矣千里同堂豈朕我輩聲味哉蘇門山
水佳勝可堪終隱特待哺噉無術費石奈何

初四日

崔煥華視我蘇門

奏兒同構斯自故園來得虞山書扇京口談匪石
謬寄三詩通聲氣之好

初五日

李承蠅復寄虞山書至

秦公塵寄書報以詩 蘇門邈邈公塵氏磊落胸懷
天下士小巫見之神氣豪匆匆言別歸燕市兒曹
耕市得班荆世事幾徵入眼明寄我入行慰遠思
太君一語更淒清外翁百世真人係報士詩人推
上列懷我追隨多歷年與君交誼從茲熱子然何
處訪同人千里孤懷對爾真小友新酬舊好南

來有約豈成塵

初六日

望兒自大梁歸得節烈祥符都任睢州軒允中事二

則入申申
大難錄

初七日

復魏孝廉 憶乙亥與令先君晤後遂成隔世別年

兄亦有年矣然吾鄉有心人屈指人物莫不首推

當草黃木萎之時獨標元菴欽企何似申之至得

讀手教大快數年夢想青梅煮酒又得聞謔超長

兄偉抱世德作求不能不益深想見之思燕門山

水頗於作客有緣第愧僕不能爲山水重耳

初八日

復劉涵思珍思兄弟 驅車漂泊出路得晤金昆大
是年來快事高懷義槩足堪儀型末季僕逢人說
項卽汨沒之後人亦同此秉彝之好耳亡友重補
闕幽中心藏之誼讀增愜勝詩誥君子幸以此言
道謝平干多才魂夢已先選矣馨遠朝夕得良友
之益麗澤不淺義棹詩五章專上

初九日

復董子翰 偶從肇師處讀手字一通足下之神情

色笑已宛宛在眼中矣小兒歸以目中所見之子
翰而質諸僕意中所貯之子翰相符不爽僕平生
無他嗜好獨喜論交有如性命但來札比擬太過
殊令病叟汗顏耳憶昔有兩人俱出門訪友一視
其友如高山歸而失望一視其友如平地退而飯
俛悲足下之高視病叟者終不免於失望也陽明
之言曰泰山不如平地好然人多見泰山而不見
平地者總好高一念爲之耳足下與僕言非泛泛
故敢以此言告

初十日

予交豐修有年予交豐修近十年矣君善釀酒好客
予雖不嗜飲每遇君輒許予南來聞君病痛且死
雞酒缺焉拈一絕便而焚之墓門以志人琴之感
劉郎何事厭塵居因憶渥城載酒初掩卷無
心慘惻兒童只道暫停書

十二日

復索公塵僕平生無它嗜好五十年來以友朋爲
性命遂得締交令外祖百世公稱莫逆焉前匆匆
別去殊不知此段夙緣接手教新知舊好兩念俱
切聞太君之言不能不令病叟感良友凋謝之久

南來有期想不吝再過蘇門耳

十五日

哀孫備九

有序

備九名鳳立從予遊數年矣質極美

口無僞言常贊其父多行陰德事意所不可事之
偶疑非面析卽具顛末來質絕無回護予因有答
問數卷實備九段之也庚寅歲杪猶視予共城明
年正月歸去約攜家俱來不意抵淇嘔血至中途
大病未幾竟死於易州嗟乎慟哉學將有得天不
假年所志未遂困路而死命也奈何天地不情
甚斯人何遽亡事親和氣色取友見肝腸有同心

佩切無欺意獨長迄今披篋語字字泪沾裳

十七日

與王申之 得公亮信轉死而生喜出意外佛九竟
死矣初聞其病可生盼盼冀有寧今乃生而死耶
淒斷欲絕僕已有數言欲焚之墓門親文回可將
也衰病之人久無情緒不意忽有備九事減我眠
食親丈應同此情耳

十九日

簡玉笋 連日料理逆關一案三晉殉義者甚多夾
袋中所得可一示我貴縣令房公之屏盡簡事如

何貴族智烈夫人係此案否

二十一日

諸孺子爲其母病久夜靜禱於神予聞而謂之曰此理在有無間謂其有子路請禱子曰邱之禱久矣謂其無周公又何以爲武王禱也總之無無道之時如此時侍病藥餌飲食竭力自效此不必說更有吃緊一節病人困頓日久喜樂時少悲哀時多豈能一一中節侍病者正宜平心和氣以承事久而加敬兄弟相戒諭妯娌相勸勉成就爲佳兒佳婦正在此時大凡齊家修身之人時時有齊之

修之之道一念玩忽便生罅漏此時此際要宜理會先儒謂凡遇事不可輕易錯過試思此時錯過後豈有償補之日乎

二十二日

謂景乾禎曰人盡以文事爲學予謂文事未嘗非學而學正不專在文事道不可須臾離仁不可終食違此正學之所有事也加一分學間葆一分性真曾之日省曾之學也子思之戒慎不覩恐懼不聞子思之學也孟子之知言養氣而不動心孟子之學也周之無欲程之主靜朱之窮理陽明之致知

皆殫竭心力無一時一刻放下方庶幾乎不離道
不違仁成就一箇學者然此皆庸德庸言日用常
行之事只要存存不息勿忘勿助便是作聖工夫

二十三日

世人不讀書者勿論卽素有志於學動輒曰目前爲
貧所苦爲病所苦爲門戶所苦爲憂愁拂逆所苦
不知學之實際正在此貧病拂逆種種難堪處不
可輕易錯過若待富厚安樂時始向學終無學之
日學之晦於天下也久矣

四月

初三日

鹿麕觀自上谷來視予謂之曰汝祖嘗云貧字兒抬
舉人又自歎於未嘗身受饑寒恐終成虛談耳夫
餓體膚較苦心志勞筋骨則不同矣至拂亂所爲
又不止餓之而已也試觀我輩今日艱難險阻飢
餓拂亂無不身嘗靜簡此心果有動忍之意乎抑
徒自無聊困苦付之無可奈何爲也古聖賢豪傑
於治亂窮通全局在手故不淫不移即功名富貴
之流擗摩已就出而問天下事莫不立致卿相皆
先有其具非苟然者汝祖嘗所自歎於未嘗親受

者今且親受之傳鉢當在是矣歸當以余言告國
鎮應有發明以佐其不逮

初七日

與靖州論交友 古人論行結交流俗絕不講此凡
相與稱莫逆者純以聲勢相高酒食相悅以詩文
相倡和儒雅風流亦不能多見至於孝弟忠信之
人禮義廉恥之事絕未嘗過而問焉此友之一偏
所以日晦於天下泛言之盡人皆友實核之舉世
無友也取友之道原在本身此身爲不孝不友多
愆多尤之身而能取極孝友無愆尤之士千古未

有身分愈高所取之友益寡管仲獨許鮑叔知我
足父謂知我其天其義自見然此處卻不是立崖
岸尊嘉矜容四字要時時玩味

初八日

郭孝廉多名益善過訪謂奉郡伯意舉山林隱逸
已有成議子聞而愧汗謂子旦晚渡江爲勸子就
婚不能久居於此也力辭之後託水部致詞郡伯
得寢其事

初十日

崑乃非有 別來相約歸祁之日方僕抵蘇門之日

遠不及返嚮至衆多家口爲累經年尼山善平仲
日久而能敬僕不能不醉心於年兄也獨老妻抱
病主此久困牀褥勢益難支流離衰鈍之人卽強
自排遣不能不神瘁心焦耳祁風酒厚凡諸親友
見愛於僕者無非推年兄之愛幸爲致意蘇門草
一畝請教此中之情與此中之人已見一斑匆匆
不盡瞻觀悉之緘我父子躬耕舌耕微有次第附
聞一慰

十一日

寄李符夢 每讀手字切切以屏間爲事牽我千里

停雲之思竊念此事患不信患不肯實實下工夫
果能信而下工夫五經四書皆我註腳夫豈他求
于聖賢亦豈有異道哉千里來讀書人不少而
讀一字識一字識一字行一字恐萬里亦不多見
其人也

十二日

寄李太公明吾 八十六歲之老人力學不倦且虛
謙益甚每切問不能問寡之懷此段碩德天下未
聞同人驚詫爲漢伏生再見今世小兒來具道健
履倍爲愉快獨是八口經年屢煩肩輿且令郎令

孫莫不以太公之心爲心此尤第之刻肺腑而治
寤寐者也

十三日

當事者以衛源水司太岑寂談清源已而不果
水司字來稱快予欽其茹爲旬頃之辭
濃就清是何人澹裏誰知又真但得此心無外
泰笑妨清宦到頭貧

十五日

復李介著 相隔益遠相見益難一紙之通亦非容
易忽接手字具悉別後情況更喜百餘日遨遊聲

氣淋漓因念僕五十年以前筋力頗健而遊興不
來六十以後遊興忽發而筋力已衰矣渡江之念
雖切不知竟能遂否目前結廬甬臺邵窩之傍暫
與兒輩躬耕於此無奈食指繁老妻而下多困於
病此又鬼神之所以重困病叟也

十六日

別徐章芸歸都門 與君俱作客不介得相親談諧
無俗調坐悅忘宵晨有時詩興發有時歌喉新到
處爭倒屣落筆輒驚人越人而燕籍南北猶比鄰
投契方伊始何來歸興頻魂銷爲惜別未別已傷

神黯黯蘇山雲飛飛燕市塵關河千里隔頽然病
裏身君應作霖雨予合安賤貧脫有折梅使相過
衛水濱

十七日

老妻病困五閱月女孫暨孫或四歲或三兩歲入門
解問起居老妻雖危殆猶凝眸顧盼以意答其語
稚弱頻頻問起居病人雖困色疑舒到頭兩字
惟情理老幼斯時見性初

十八日

尙兒侍其母病每當狼狽掩面悲號予謂之曰汝慟

不益增母之病乎只宜躬奉湯藥慎進飲食母心得歡母病可減此人子侍疾之道也

十九日

室人楊氏卒馬玉笋差二役爲經紀喪事隨令景乾
祔薛懷我來弔問所需

二十日

玉笋來弔致賻

祭室人楊氏文 嗟乎慟哉汝歸予三十有三載多
半困於病其病也以汝心太細胆太小胸太窄心
細則不肯輕出一言輕舉一事胆小又不敢輕出

一言輕舉一事胸窄則一言一事之如吾意而神
舒一言一事之拂吾意而衷鬱自汝歸予汝所有
之子三而非已所出之子若女五子五十餘年老
賢書蕭然寒素食指日繁汝既與予共安貧賤而
克勤克儉一身拮据且二十年來屢經患難浮家
於山浮家於水而以細心胆小胸窄之人安得不
鬱而病病而困耶然有所甚幸者汝惟心細胆小
而胸窄遂終其身不肯有失言失禮於非已所出
之子女且令非已所出之子女終其身絕無有失
言失禮於汝之身如親姻黨三十餘年頌汝之慈

頌子若婦之孝若不知其爲後母并不知其爲異
母兄弟此皆細心胆小胸窄之所貽也而敢爲汝
咎乎予嘗以此戒汝勸汝而予之病正坐此每當
胸懷憤悶抑鬱無聊之時汝且慰我曰我之病素
坐此如何君亦犯之冷然一汗良友之言豈是過
耶汝不譏舅姑面而時祭忌辰有獻必潔處姑姪
族黨和睦平生不與人訾議抵共城五月俱在昧
穉竟不起嗟乎慟哉臨危之日問所欲言曰我從
來未嘗自主行一事今何言亦無容言病困五月
百苦難堪絕無一拂禮不中情理之語今已矣此

夕入棺矣子孫滿前永無見面之日矣率書此語
以告汝并以示後之子孫汝輩有知定鑒予言

二十一日

諸兒喪服半備諸大夫親友陸續弔奠予以喪年亦
不敢以筋力爲禮

二十二日

鼓盆吟 清貧共守卅餘年良友規條寄憫前五月
共城淹病骨一週涉想一潸然 嗚我年高莫憫
心慟心更在老將臨鼓盆莫認心非憫忍憫爲歌
慟轉深

二十三日

先是申之構斯視予其城因老妻病篤依依不忍去
暨沒迷爲護喪且旦晚與病叟相伴差可慰解

二十五日

封靈有文云 汝之逝也倏忽七日今暫封汝靈於
客堂客堂之東偏諸兒諸婦旦夕守護汝雖卒於
客子有六五在此婦有五四在此姪有五三在此
而宗族鄉黨親戚故舊綰繹不絕且此中之官師
紳士莫不來弔汝頌汝之婦道母儀賢成寡二蓋
棺之日頗不落寞予衰年淚眼相看不禁淒斷每

念汝宜保重之言強自排遣以慰汝心汝義理素明神氣不亂靈魂定當依戀於此豈以幽明路隔精爽遂不相通耶

二十七日

遺立兒家報 汝母於四月十九日辭世五月病苦不堪回想初以孫女孫婦兩事不及到家一看爲歎及病甚以汝三十三年恭謹不及一見爲恨在祁州與汝大姐欲圖一見又錯過三姐在祁多受勞苦又念高雅之母醫而老以一帕遺之凡吾家長幼男婦無一人不在意中臨危神明不亂無一

語不中情理馬工部差二役經紀喪事幸申之構
斯在此晝夜相伴差可慰解擬秋後歸覲須大費
商量耳汝聞信當爲位投呈於學惟疾之憂千里
之外倍軫老懷慎之慎之羅更傳說維雅病又犯
令我心憂窮困至此甯堪多病千萬謹慎抱雅家
有數口地無一畝不知作何生路

二十九日

八姪過高似斗以扇索書因寄一牋 爲予築室傍

宮牆古道淋漓意趣長一自與君分袂後迄今魂

夢遠留香

君有留香素
每賜予於此

又寄高瞻斗 遲水三年星聚時
留行別築覓心期
蘇門厯下相望久
惆悵臨風有所思

三十日

雙壁爲王馬兩志士 雙壁英英挺士林
何期千里
慶同臨當身各具絕塵骨
靜對無言託遠心

五月

初一日

爲亡室楊氏實錄入家譜

初二日

與馬玉笋 向因心血不足常苦不寐
夜來風雨驟

至此身忽陷水窖中因思處人之道既疎治心之
功復淺遂不免鬱結於中夫鬱則思宜結則思解
因咏靜修詩云悞人最是裏師德須記春生未睡
前第之自處只合於城外山莊得數間蓋茅之舍
數畝種瓜之田與諸兒棲息爲上著無奈罹此不
幸老妻客死秋後歸櫬力萬不能聞有令親最精
堪輿卽借庇蔭於先生莊傍擇一席隙地暫寄老
妻於淺土庶得殮歸葬所謂生死而肉骨子孫
奕葉飲明德無斁

初三日

復李彝卿 衰病之身罹此不幸是所以彰僕之不
德也夫何言極知憂戚無益勉憶古人鼓盆而歌
是何神情然憂從中來忽不自禁始知古人忍慟
而歌其慟轉深耳遠辱慰奠深荷知己之言佳詩
足爲沒者生色感當不朽矣

初五日

與馬玉笋水部 託先生庇蔭地已得吉歸而心傷
者久之繼而復自慰念亡妻甘貧偕隱不減庶下
今流離客死游魂不返人非木石能禁淒斷然何
以欲卜地而遂有其地遂有相地之人又有左右

枵地之人神鬼一一默爲布置俾死者不妄於構
整此段知愛又能不令人感而慰慰而且愧耶

初六日

爲水部敘丹衛圖說

入歲寒
二集

初七日

有西僧送鎮宅靈符余曰宅之不安爲失道也父父
子子兄兄第第夫夫婦婦而家道正何以鎮爲猶
理則安從欲則危千古不易之理已之不正而求
媚於鬼神皆惑也學者不可不知

初八日

申之欲歸口占爲別 垂老傷心在百門感君左右
慰晨昏平生不解惜離別臨路凄然欲斷魂

潮孫來視其祖母離家之日卽其祖母謝世之日也
盼盼然冀其一見迄來而不能見矣 每向家園
念爾殷何期生死永離分憑柩慟哭呼孫至
游魂疑有問

初九日

郭襄源和予詩二十首賦此以志聲氣之投 與君
同北地作客復相鄰謀面雖云拙交情不介親小
詩聊慰我老筆輒驚人引玉慙形穢青從藍得真

初十日

王景沂一曾撫其第一廉至因述洪光朝其尊人孫
蕃為高陽孫少師承宗定興鹿太常善經請諡少
師諡文忠太常諡忠節

從王景沂得節烈濟甯楊定國一則入文節
錄集

十一日

從景沂得南中忠義事數則入取節
錄集

十三日

寄虞山老人 離家千餘里一二同人云先生道體
康健舉手加額王生旋縣臨沼入都僕已入蘇門

其遠未得瞻然兩讀手書見先生之面見先生之
心復舉手加額恨不卽生翼而南茲有所甚苦者
老妻素病卧卽經年兩次幾死迄強起抵蘇門五
月體精竟不起衰朽流離罹此不幸就婚之事又
須少輟然私心所急欲請教者舍親能道之舍親
生淵長子於寒家累世姻親平生契誼况亦素託
先生聲味中幸進而教之于度同來未得同居想
伯之苦殊不堪言孫氏兄弟亦欲歸原籍靜觀雖
在家有兩弟相隨出門矣公亮作東郡守備

復歸安蕭道生

止生表兄

與令表兄結婚一事親翁

所目擊者止老兩書在矣之家乘第何能頃刻忘
已丑冬仲攜家出門雖爲故園難居漸圖南徙其
爲就婚計不意抵祁州而老妻病病經年幾死第
先過蘇門庚寅歲抄始迎老妻至又不意甫至蘇
門而病轉劇纏綿五閱月四月十九日竟不起衰
朽流離罹此不幸憫死念生淚碧腸枯歸櫬旣苦
不能只得卜地寄葬正在料理手教忽至十餘年
濶違與令表兄南北九千里生死骨肉情況齊到
心頭竊念老妻與幼子相倚爲命母也客死他鄉

而子遠去就婚恐無此情理也且幼子體素弱今
憫母弱益甚此事或當徐議之第二哥母子可悉
此情耳門戶事王念尼云已託郡伯與司理杭州
工部王悔庵復囑之竭力保護後有可託者自不
敢不盡心也景沂特此過訪雲來親翁何人無音
耗

十五日

寄王生洲 相別十餘年相隔數千里死生流離艱
難險阻不忍聞不忍言景沂來握手對泣慟定追
思恍在夢中竊意古來忠大義不一途應死而

死則死有攸當應遁而遁則遁有攸當此微生上
干所以同歸於仁也老親翁平時諒草多偉論迄
國變在差而遜可爲一代殊絕人物亦何恨獨第
苟延殘喘無足重輕殊可愧也第未出門先二兄
已作古甫至蘇門老妻復客死第想昔鼓盆人忍
慟作歌其歌也情當不減於慟耳歸櫬不能圖寄
葬蘇山之側亦不知何處是安土也天人之際其
幾甚微在近不能窺遠在遠則可以測近景沂洞
悉此機親翁此身儘自寬綽矣令孫女暨孫女完
此兩件皆託福蔭冗次不盡俱在景沂腹中

十六日

寄高薦馨 新從鎮江令表第得聞起居爲慰然君
居會稽僕寓蘇門相望三千里而遙視昔渥城此
鄰而居朝夕聚首者何如耶在昔聚首未見有分
外之樂今日離羣殊覺有分外之苦至惟此不幸
老妻客死衰病流離益不能不切同人之思王景
沂過訪倘得相晤當悉此中情況耳君家客中光
景便幸示我備九作古人矣可惜可惜

與金仲遠 世道膺蒙同人零亂每念知己相隔益
遠相見益難此中不能不淒斷耳固知孤懷挺秀

萬不至墮落然食指甚繁體中甚弱近日不知作
何安頓僕寓蘇門景沂過訪當自悉之

寄李平子 乙酉歲接手書嗣後卽有一函託劉範

修轉致不知竟得達否然時從習仲靜觀口中企
仰風烈恨不能縮地卽見其人焉弟出門千餘里
讀書之士所在有之立節之士百里僅見王潛心
性命之學則千餘里絕未見其人翁臺嘯起淮揚
學者僞爲泰山世道因之砥柱家聲國運兩有借
焉蓋所稱天下士千古士也弟衰病羈旅願見有
懷而節短途長不知晤教何日也

十七日

故室人楊氏擬寄葬夏峯東原是日開塋

十八日

工部孫紹開孝廉徐章雲等十六人爲文以誄之

二十日

衛守沈石友鹽琛丞張寶田世榮倅李鳴鹿振璽司

理蘇澤公銑輝令佟和璧國璽爲文公祭

二十一日

寄墓室人於城東南十二里夏峯村之東南隅馬水

部玉笋莊地也堪輿晉文學郭景璞名鑒相視之

坐亥向丙有聯云 三載浮家幸託雲山同應下
一朝客死慟將骸骨寄蘇門

是日同衆戚友宿水部尊五樓

二十二日

尊五樓雨水部字來供給甚殷託景乾禎代爲款
客稱云 凡抵墓門者皆至戚與宗族鄉黨耳不
在客例先生過爲用情諸親友踴躍之甚

二十三日

同諸戚友墓祭後返邸舍

二十五日

贈郭景璞 君是景純一後身
穴龍沙水認來真
蘇門邂逅得相親
偶值鼓盆罹苦辛
洒淚旅亭意未申
荒原寄葬地何掄
水部先生廣注仁
夏峯東隅餐服新
君家眼底別有神
指顧之間高卑陳
遠山環帶若相鄰
坐下一席氣鬱醇
敢云邀福借嶙峋
避卻五患自古人

二十六日

賀宣三索題函樓聯 左列史右列經
古今興廢供搔首
暮對賢朝對聖
身世安危入倚樓

與李允繩 曠觀心小體弱未嘗更事處已處人之

道惟姨丈指示之弟罹不幸老妻客死念三十餘
年偕隱滲焉腸斷歸報既苦不能客舍久停未便
已於二十一日寄葬夏峯之東南隅初意奉迎相
視因路遠不能遣一力適有晉人郭景璞者善堪
輿水部鄉人也即館於其山莊暫借襄事此事總
借水部周旋可稱前世夙緣向來疲勞例病欲犯
匆匆不悉

二十八日

感逝 神仙何處是行寓逝者紛如水面波梓里友
朋嗟我亂天涯親舊幾踈跼未見身心益後

死徒令憂患多但得朝聞夕可矣回天蹠壽竟如

二十九日

景沂兩過歸安蒙氏家敘述其孤寡相望之意因憶

丙子止生攜其長子師孝勤王北來過北城草堂

余讓其子前行止生曰是不許我登堂也前曾備

言通家子姪見通家老伯之禮今令之前行不肯

受禮得非君常曾有是言丹未之許也乎是不許

我登堂也堅令其隨行登堂再拜立而受之臨行

復拜別見父執之禮止生始一修明之

一友人父子常不相見問其故曰侍兒多不便承顏

繞膝耳構斯曰此妖氣也余爲之擊楫父父子子
凡兄弟第夫夫婦婦此是家道中一段太和元氣
非身修之人家何以得齊這福不易享一爲妖氣
所中愚者方自侈爲得意殊不知子弑父臣弑君
皆歸於此可不慎諸

六月

初一日

景沂之聞欲迎其尊人生洲公來蘇門爲序送之以

其幼弟一廉從余遊

序入歲
寒二集

初三日

尚兒以扇索書 侍母祁陽奉母其城皆相依爲性
命母憫爾勞瘁而慮爾體弱多病爾可慎寒暑節
飲食盥洗俗習歸諸雍睦以慰母氏地下之心事
父從兄真性正在此時出頭逆之勿墮落

初四日

韓維祁陽時李符夢曾云蔚州有同年李潛龍名孔
紹高尚士也後盧濟如亦云父子俱入山絕跡塵
世矣癸未進士

初六日

俠士歌 聞道貧交入骨親得君堪愧覆欄人豈無

鮑叔託元賞應有要離欲卜鄰

初八日

先考忌辰 四十七年見背時衰殘病困竟如斯蕭條蔬果共城裏滿目悲涼未有辭

初九日

異史評 余讀談友夏異史而有悟於予之不語怪也此事幻杳非人共見然作始者一人而後之流傳附會者多遂以爲史傳所載確有定據賢知之士厭薄庸庸言其中此病也更甚蘇長公汝妄言之予妄聽之其意可見大凡學人非得力於

修而操功於獨知者不宜讀此悠謬怪僻之書徒
亂人耳目驚人神情庸德庸言千萬世不易之理
子聖賢發揮不盡如此怪謬之事何關倫常日
用而曉曉不已俱失先師不語之旨甚矣人情之
好異也

初十日

安邑四子詩

有引

喜從玉笋水部接其兩弟類如王

霽雨烟曉傳綬若皆雅士因側病爲苦不及時常
過從伏枕有懷用佐酣飲得五十六字 布帽羊
裘老病生扶風帳下接羣英樸衷不落時流徑清

議酒存月旦評別墅酒勲封大都棘閣墨墨作精
兵馬家昆弟俱眉白謝氏安元今又賡

十一日

再送徐章芸 客舍淒涼倚藉深歸帆一夕掛橫參
有兄自是稱雙壁得友應知可勸金京國卿雲呈
瑞色共城殘雨滴愁襟不眠跼坐聞鷄唱盡付君
家起舞心

十二日

廣史評 此冊雖無緊要猶足拓人胸懷開人眼界
然讀者務得其對治之法如異字須以庸字對治

廣而不攝之於近不約之以禮者驚神馳洩越不
益甚乎盈天地間皆有妙趣元理全在主人當下
領取之耳

十三日

逸史評 逸史一編世間清福人生受用刻畫盡矣
余謂其人而坦蕩蕩也到處皆成樂地其人而長
戚戚也觸目便惹愁腸豈有順逆哉人心自生
喜嗔耳君子有三昧父母俱存兄翁無故與得天
下英才而教要皆本於不愧不怍方得自操若以
愆尤叢集之身飲食醉飽自謂能領畧山水禽魚

之趣吾不信也

十四日

學問第一吃緊當先透死生之關此關透功名富貴
自可不消費力古來聖賢壽限多或六七十歲少
或三四十歲無一人不死此六七十與三四十在
世間直一瞬耳所謂生寄死歸任人東西南北交
馳過一日少一日無非以歸爲期先師曰朝聞夕
可蓋恐道不及聞徒死遺恨利馬寶念念不忘死
候欲使人日夕戒懼臨深履薄自不敢恣情縱欲
作越理犯分之事逸史云常念病時則塵心漸滅

常妨死日則道心自生有味斯語因書此以自警

十六日

寄懷安邑景爲真 共城佳尤喜盤桓梅信忽傳荷

笑看君向碧天分爽氣我同嶺月抱清寒傳經漫
講家庭通學道繇來天地寬鼓棹山陰雖有待無
粒今夕爲伊彈

十八日

示劉珥 千人之英萬人之傑非謂於堊室飲食之
人高出千人者便謂之英高出萬人者便謂之傑
若然則一州一縣億人兆人何以號爲英傑者百

里千里難得其人焉此等人如同上公車者曾能操觚命中獨壓倒千人萬人自然輪服遐邇不敢以雁行進今立志之士須不讓古人乃不留於今人若稍知自好不見惡於鄉黨輒自矜爲千人之人萬人之人恐不免爲千人萬人中之一人耳烏能出類拔萃與千古賢豪爭埴壘哉汝年弱冠資性頗醇汝祖母常稱之曰知孝知弟謂於汝父無違言侍汝母之病人而無倦色撫持保抱其弟無厭色也立身已有基本然此性之所近須要知學孝弟何以爲仁之本仁義知禮樂之實何以

俱託於孝弟實務之於庸德庸言嚴破流俗風拓
胸次勿限於耳目見聞之近方是英傑本領學人
志趣孝友堂家法汝歸當與永興永徽等共勉之
勿怠

二十五日

王魯之問君子亦有訟乎曰訟卦豈爲小人設但要
以陽中爲主如今日於某生是也曰正爲此某聞
之人言我輩既欲爲善人君子則當聽人言之
之而已如何又與人競曰此等議論世俗之所謂
善人而非所以論君子也非其義也非其道也一

介不以取與以衆人之賣衣藥牛多方措處百二十金之易產退還人十月有奇房屋不住地又不耕而價值分文不得卻忍飢受寒乞貸於人且難端自彼發之不能明目張胆伸一言而曰恐妨我之爲善人也此所謂鄉愿亂德者也惟仁者能好人能惡人平天下君子正在能惡以全其能愛況此房產之償子與備九居半我不言而任其吞蝕須我出囊中金償子兩人原物則可不然懷他人之懣費別姓之財豈情理也哉若以某生素行阻其功名之路則不必多此也就事論事可耳

二十六日

張達元司空寄禮經至書宋子日誦

二十八日

支邑有道王翰如第文學高古過訪各惠詩訓以律

新秋翠色疊雲窗此夕新知似古歡已自遊燕

飲玉立還從入洛訂金蘭餘生老去枯禪客綵鯨

鯨豎誇士壇外朗固應和內潤瓊章映月坐中看

二十九日

介公問今日當從何書讀起曰經書子史俱宜討究

只是讀者自讀譬與我毫不相干古人經明行修

讀書只爲窮理窮理正以修身子陸說一字便醒
一字任從何處讀起其歸源處總會到此心